

बुलावो आयो राम को

संतो स्वर्गा सु आयो है संदेस बुलावो आयो राम को....

एक मिनट प्रभु म्हाने देवो तो करू बेटा सु बात,
अलमारी में गहना धरा है राजी राजी थे लीज्यो बाट,
बुलावो आयो राम को,
संतो स्वर्गा सु आयो है संदेस बुलावो आयो राम को.....

दुसरो मिनट प्रभु म्हाने देवो तो करू बहुवा सु बात,
मैं तो म्हारो धरम निभा दी बाँध के राखीजो परिवार,
बुलावो आयो राम को,
संतो स्वर्गा सु आयो है संदेस बुलावो आयो राम को.....

तीसरा मिनट प्रभु म्हाने देवो तो करू पोता सु बात,
दादी माँ तो स्वर्गा चाल्या कुण तो करेला थारा लाड,
बुलावो आयो राम को,
संतो स्वर्गा सु आयो है संदेस बुलावो आयो राम को.....

चौथो मिनट प्रभु म्हाने देवो तो करू बेटा सु बात,
मेरे री मन में रेहगी बीरो सा भरेला थारो भात,
बुलावो आयो राम को,
संतो स्वर्गा सु आयो है संदेस बुलावो आयो राम को.....

पांचवो मिनट प्रभु म्हाने देवो तो करूँ पति सु बात,
कुमकुम मेहँदी चावल लेके मौतया सु भरदो म्हारी मांग,
बुलावो आयो राम को,
संतो स्वर्गा सु आयो है संदेस बुलावो आयो राम को.....

<https://www.bhajanganga.com/bhajan/lyrics/id/31382/title/bulavo-aayo-ram-ko>

अपने Android मोबाइल पर [BhajanGanga](#) App डाउनलोड करें और भजनों का आनंद ले |